

Parlament communal Ilanz/Glion Communicaziun allas medias

Il 31 da mars 2021 ha il parlament communal Ilanz/Glion approbau gest quater fatschentas unanimamein per mauns dalla votaziun all'urna che ha liug ils 16 da matg 2021. Duas fatschentas pertuccan l'adattaziun dalla planisaziun locala. Per l'ina duei il territori d'explotaziun da glera Bigliel ella fracziun da Sevgein vegnir integraus ella planisaziun d'utilisaziun cun ina surfatscha da 3.4 ha ed in volumen d'explotaziun da 700'000 m³ glera. Las reservas da glera dil territori d'explotaziun Tschentaneras cun dretg vertent ein prest exauridas. El rom d'in concept d'explotaziun el territori da Glion ed en connex cun la revisiun parziala dil plan directiv regiunal ei il territori Bigliel vegnius fixaus igl onn 2017/18 sco territori per l'explotaziun da glera futura ella regiun. Per l'otra duei la zona d'economisaziun da material el territori da Salavras a Rueun vegnir extendida. Cunquei che plaz da deposit dalla fatschenta Montalta Transport + Kies AG va a piarder el territori da Plaun Grond muort la realisaziun dalla tiarz'etappa dalla deponia regiunala, sto vegnir creau dapli spazi per il deposit.

Ulteriuramein ha il parlament communal Ilanz/Glion deliberau credits d'impegn per duas sanaziuns da vias el marcau da Glion per mauns dalla votaziun all'urna, ina summa dad 1.87 miu. francs per la Via da scola e dad 1'163'700 francs per la Via S. Clau Sura. La davosa renovaziun pli gronda da quellas duas vias ei gia stada avon varga quater decennis. Ils dus projects duein vegnir realisai en treis etappas denter ils onns 2021 e 2023. Tier la Via da scola vala ei da far atenziun speciala sin la segirtad dallas scolaras e dils scolars, la quala sa vegnir migliurada marcantamein cun la sanaziun.

Il parlament communal ha ultra da quei concediu ina contribuziun dad 80'000 francs ed ina garanzia da deficit da 20'000 francs al project «Schichtwechsel – La Surselva». L'uniun «Schichtwechsel – La Surselva» ha sviluppau ils davos dus onns in project d'exposiziun davart la diversitad geologica dalla Surselva. Il project cuoza plirs onns ed il liug principal ei il marcau da Glion. L'exposiziun da crappa duei far impressiun als indigens ed a hosps e cuzzar treis onns naven dalla primavera 2022. In program accumpignont cun teater, in'exposiziun accumpignonta el museum regiunal Surselva, concerts, referats dil fatg, luvratoris, guides ed excursiuns ell'entira regiun appropundescha singuls aspects dall'exposiziun.

La revisiun parziala dalla planisaziun locala pertuccont il svilup digl areal dalla staziun a Glion ei vegnida sistida. Cunquei che l'approbaziun dalla revisiun totala dalla planisaziun locala entras la Regenza dil cantun Grischun ei aunc adina pendent e cunquei ch'ei ha dau ulteriur basegns da sclariment el territori dalla staziun a cuorta vesta el rom dall'audiziun currenta, ei il tractament el parlament communal il mument buca prudents.

La proxima sesida dil parlament ha liug mesjamna, ils 28 d'avrel 2021 allas 19.00 a Glion.

Ilanz/Glion, igl 1. d'avrel 2021

Parlament communal Ilanz/Glion

Gemeindeparlament Ilanz/Glion

Medienmitteilung

Am 31. März 2021 hat das Gemeindeparlament Ilanz/Glion gleich vier Geschäfte und alle einstimmig zuhanden der Urnenabstimmung verabschiedet, die am 16. Mai 2021 stattfindet. Zwei Vorlagen betreffen die Anpassung der Ortsplanung. Zum einen soll das Kiesabbaugebiet Bigliel in der Fraktion Sevgein in der Nutzungsplanung verankert werden mit einer Fläche von 3.4 ha und einem Abbauvolumen von 700'000 m³ Kies. Die Kiesreserven des aktuell betriebenen Kiesabbaugebietes Tschentaneras sind bald ausgeschöpft und im Rahmen eines Abbaukonzeptes im Raum Ilanz im Zusammenhang mit der Teilrevision des regionalen Richtplanes wurde 2017/18 das Gebiet Bigliel als Gebiet für die künftige Kiesversorgung in der Region festgelegt. Zum anderen soll im Gebiet Salavras in Rueun die Materialbewirtschaftungszone erweitert werden. Die Erweiterung ist notwendig, da im Gebiet Plaun Grond auf der anderen Rheinseite mit dem Bau der 3. Etappe der regionalen Deponie Lagerplatz der Firma Montalta Transport + Kies AG entfällt und ersetzt werden muss.

Des Weiteren hat das Gemeindeparlament Ilanz/Glion Verpflichtungskredite für zwei Strassensanierungen in der Stadt Ilanz zuhanden der Urnenabstimmung verabschiedet, eine Summe von 1.87 Mio. Franken für die Schulstrasse und von 1'163'700 Franken für die Via S. Clau Sura. Die letzte grosse Erneuerung dieser beiden Strassen liegt bereits über vier Jahrzehnte zurück. Beide Projekte sollen in drei Etappen zwischen 2021 und 2023 ausgeführt werden. Bei der Schulstrasse gilt ein besonderes Augenmerk der Sicherheit der SchülerInnen und Schüler, die mit der Sanierung wesentlich verbessert werden kann.

Das Gemeindeparlament hat zudem einen Beitrag von 80'000 Franken und eine Defizitgarantie von 20'000 Franken an das Projekt «Schichtwechsel – La Surselva» gesprochen. Der Verein «Schichtwechsel – La Surselva» hat ein mehrjähriges Ausstellungsprojekt zur geologischen Vielfalt der Surselva entwickelt, mit der Stadt Ilanz als Hauptstandort. Ab Frühling 2022 soll die Steinausstellung für drei Jahre Einheimische und Gäste nach Ilanz locken. Ein Rahmenprogramm mit Theater, einer Begleitausstellung im Regionalmuseum Surselva, Konzerten, Fachreferaten, Workshops, Führungen und Exkursionen in die ganze Region vertieft einzelne Aspekte der Ausstellung.

Die Teilrevision Ortsplanung betreffend Arealentwicklung Bahnhof Ilanz wurde sistiert. Da die Genehmigung der Gesamtrevision der Ortsplanung durch die Regierung des Kantons Graubünden nach wie vor hängig ist und sich im Rahmen der aktuell laufenden Anhörung kurzfristig noch weiterer Klärungsbedarf im Gebiet Bahnhof ergeben hat, ist eine Behandlung im Moment nicht zielführend.

Die nächste Gemeindeparlamentssitzung findet am Mittwoch, dem 28. April 2021, um 19.00 Uhr in Ilanz statt.

Ilanz/Glion, den 1. April 2021

Gemeindeparlament Ilanz/Glion